



Tir Yimyim

www.tirymyim.in

Regd. No. RNI. NAGAAO/ 2004 / 13113. Postal-NE/RN-717.

e-mail : tirymyim@gmail.com

TAPAK 7

Yangia anidakangma :



Tir Yimyim



tir_yimyim



tir yimyim

TAPAK 8

Pakistan kitsük-kirong lendong
nung asür nisung 60 jungogo

Sindhu-i otsü tasen yanglua la indang
career nung asaya 500buba kokogo

VOL. XXIII ISSUE NO. 100 (ADOK 100) DIMAPUR ROGONÜ (FRIDAY) AENJETI (JANUARY) 23, 2026

₹ 5.00

Ghonda 48 tsüngta NSCN/GPRN Khango-Vusshe teloki tatok meshitsüla: WSH, WSKH & WSYF

Dimapur, Aenjeti/January 22 (TYO): Vikuho yimtsüng indang Head GB Kiyeto Zhimomi pua bener oa merenshiba dak sendakba nung Western Sami Hoho (WSH), Western Sumi Rukami Hoho (WSKH), aser Western Sumi Youth Front (WSYF) ajungben telungjem senden ka January 22, 2026 nü amenba sülen NSCN/GPRN Khango-Vusshe telok nem parnoki takhangba kar agütsüogo.

Parnoki takhangba agütsüba nungya, Sumi nunger aser talisa Western Sumi Kukami dang print aser digital media ajanga tatok meshitsüla, ta shia lir.

Kiyeto Zhimomi pua bener oa merenshiba nung shilem agir ajunga ozüng amshiba agencies nem bendanga agütsütsüla aser

aputsüla.

WSKH, WSYF aser KGKK tetsüngtai aita jembishinüa tangatetep kati aru ta sangdongba ya meyipa agitsüla, kechiaser ibai khenyongi tiazü aser nübur nem osang meshidak agütsütsü tebilemba nung lir, ta ashi.

Ceasefire ground rules nung aibelenba yong Thilixu Village nungi ceasefire monitoring cell belentsüla. Item takhangba ya iba sangdong agütsür ghonda 48 tsüngta inyaksüla, aji mesüra Western Sumi ajanga Western Sumi nunger aliba tesem ajunga nung NSCN/GPRN (Khango-Vusshe) telok anema "Total Non-Cooperation" sangdongtsü, ta WSH, WSKH aser WSYF ajanga NSCN/GPRN Khango-Vusshe telok nem takhangba agütsü.

Naga nunger ajunga mangdang ka lir: MLA Azo

Kohima, Aenjeti/January 22 (TYO): Naga nunger mangdang ka lir aser ka kuma lungjemtsü arok tebilemtsü lir, ta MLA Kuzholuzo (Azo) Nienu-i Brehostibarnü ashi.

Ukhrul, Manipur nung 21 buba Veikhang Katamnao Long General Conference- Cum-Sports, Cultural & Literary Meet 2026 sentong nung January 22, 2026 nü jembidang, South Nagas aser mainland nung aliba Naga nungertem tesendaktep tali tajungba alitsü nüngdaker, ta MLA Azo-i ashi.

"Asenok tangatetba lungjemba kisüng ya teperi masü aser kasa mapang ibaji ajanga greater Nagaland asoshi nükjidong tongtuba mataloktsür. Asenoki temang shi aser tanüla nunga lungjemtsü ajungshiteptsüla," ta pai ashi.

Asenoki asen sentongtem ya Tsüngrem nem mezüng bendanga agütsütsüla, aji asünung dang asen nükjidong ya tongtettsü.

"Tetasatsüka asenoki asen tashi mesüra ka madak ka temaba ta asüba nung tali metaloka alir. Tanü asenok kechi

jenjang nung lir ta asüba ya tongtipang masü asenoki kechi inyaka yutsür, aji tongtipangba, kechiaser asenok jenjang ya khen atema dang lir aser mashi mapang samatsü aser amadoktsü," ta Azo-i ashi.

Ajisüaka asenoki mapa tajung inyaka yutsüba teti alitsü aser asenok süra teti bilemtettsü, ta ashi.

Pai iba mungdang nung adenertem dang nüburtemi meimtsü aser bilemtettsüsa mapa tajung inyaka yutsütsü ayongzüka liasü.

Azo-isa linük tenzükertem dang nüburtemi imlaba ama alitsü aser 'One Group, One Voice and One Tax' küboki lungjemer aittsü merangtsü ayongzüka liasü.

Naga political issue asoshi ochi nung tali tasü ita nokdaksü aser linük tenzükertem tashi angara aser mulungra, tangatetep tajung kati bener arutsü merangtsü atema Nagaland Chief Minister Dr. Neiphiu Rio-i anir Political Affairs Committee ajanga January 17, 2026 nü telemtetba ka agiogo, ta MLA Azo-isa ashi.

B. L. Verma-i Chümoukedima nung project balala sema jaja

Dimapur, Aenjeti/January 22 (TYO): Union Minister of State for Consumer Affairs, Food and Public Distribution and Social Justice & Empowerment, B. L. Verma-i January 22, 2026 nü Chümoukedima Village nung Palm Oil plantation site aser Diphupar B nung Health and Wellness Centre semdanga liasü.

Pai palm oil plantation semdanga mapang aluyimer aser ketdangsürtem den sensaksema National Edible Oil - Oil Palm initiative kübok palm oil tsünüba nung terenlok aliba repringshima liasü.

Palm oil ajanga aluyimer rongsenketzüng jenjang tajungba akumtsü, edible oil production nung pei poksünga alitsü aser region nung rongsenketzüng tashi itshitsü, ta pai ashi.

Iba sülen pai Health and Wellness Centre, Diphupar B semdanga healthcare worker den sensaksema liasü.

Iba mapang pai Centre nung services agütsüba repring aser yimdak yimtsüng aser semi-urban areas nung sorkari primary healthcare agütsüba tajungba akumtsü meranga inyakba indang lemsatepa liasü.

Mongsenyimti nung Aoli Ozüküm Mungdang tenzükogo



Mongsenyimti nung Aenjeti 22, 2026 aonung Aoli Ozüküm Mungdang tenzükba sentong nung Mungdang Akhümdong Wb.Tongpang Ozüküm Advisor, Dept. of Water Resources Govt. of Nagaland-i jembidang tangokba noksa.

Mokokchung Aenjeti/January 22(TYO) : Aoli Ozüküm Mungdang 55 buba Inti Mungdang "Jenjangyongshi" ta asüba nükmen nung ajemdaker Mongsenyimti yimtak Aenjeti 22 aonung tenzükogo aser Aenjeti 23 aonung tembangtsü. Iba mungdang nung yimtsüng aser jila unit 16 nungi nübo 300 adenshia kadagi.

Taonung iba sentong Mungdang Akhümdong Wb.Tongpang Ozüküm Advisor,Dept. of Water Resources Govt. of Nagaland-i jembidang Ozüküm kidong rongsen jenti indoka mungdang amongbaji Ozüküm otsü jangja jangaa metettsü aser longjema alitsü asoshi lir ta ashi.

Ao lima nung dang masü saka Tuensang district,Wokha district, Zunebphoto district aser Tsümenyu district nunga Ozümkümer lir ta angashir, anungji parnokji bushia longjemtsü kanga

nungtaker,Naga lima nung aliba Ozüküm ajurutepta ajanga Ozüküm longjemba dang masü saka Naga lima longjemdaktsüba nung shilem tulu agir asütsü ta Tongpang Ozüküm-isa ashi.

Ozüküm kidong lipok otsü tatongi jangja jangjaa meteta alitsüjia kangasa tongtipang, aji saka ano Ozüküm kidong lanu asensortemi takok tajung angudang tenüngsang agüja tushitsü kanga dang nungtaker aser ibaji ajanga Ozüküm kinünger tsüngda temeimtep aser telongjem tali adoktsü. Taoba mapang nung Ozüküm kidong nungi lenir takotet aika adoktetogo, parnok melenerji lanu asensortem nungi adokdakjang ta Ozüküm-er ajak sarasadem südita Advisor Tongpang Ozüküm-isa mungdangsanger ayongzüka jembi.

Mungdang lapoka Mongsenyimti Ozüküm ajanga sobaliba saya ka sayu aser Wb.Aosünap Ozüküm

ketdangsüba nung sentong agi aser Panger Ozüküm ajanga Tsüngrem dang nungi lenisüba jazüka sarsademer sentong tenz k.

Aoli Ozüküm Mungdang Tir Wb.Watisütsüng-i Mungdang-i arur ayongzüka jembi aser Mongsenyimti Village Council Chairman Wb.Aosüngit Ozüküm-i tarur pela agizüka jembi. Ao Senden Tatong Tir Wb.Aowati Ozüküm ajanga mulungnet o jembi.Wb.Sharoti Ozüküm ajanga ken tajung ka aten aser Mokokchung Town Aoli Ozükümajanga Aoli Ozüküm naklo ken aten aser Dimapur Aoli Ozüküm ajanga Sobaliba ken tena liasü. Sangni ta Longkhim Chare Mongzar Union tenüng nung Wb.Khumpise Mongzar aser Ozüküm anükapang Wb.Imliaküm Sanglir tenati jembi aser Asso.Pastor Chumukedima Wb.Imsiwati Ozüküm ajanga tenüngsang agüja sarasadema sentong tembanga liasü.

NSCN/GPRN (YA) aser ULFA-I ajanga R-Day nung shilem magitsü ayongzüker

Dimapur, Aenjeti/January 22 (TYO): Yung Aung-i aniba NSCN/GPRN aser ULFA-Independent lungjemer WESEA region nung January 26, 2026 nü amungtsü aliba Indian Republic Day nung shilem magitsü ayongzükerogo.

Telok ana lungjemer sangdong ka agütsüba nung, region nung Republic Day ya

security tesashi yoker munga arur aser ibai Indian nationalism sayutsü merangba ka lir ta ashi.

WESEA nung aliba nüburtemi mulungsoa Indian Union nung adenba masü saka tashiyim agi rakzüker, ta parnoki ashi.

Region nung aliba nüburtem asoshi January 26 ya 'democratic value' masü saka yimtenren tsütsü tashiyim agi amokbangba

aser mitkar temi amokbangba temaitsü ka lir, ta ashi.

NSCN/GPRN (YA) aser ULFA-I ajanga region nung aliba nüburtem dang longkak aitba temaitsü Republic Day nung shilem magitsü ayongzüker. Iba tayongzükerba ya Assam, Arunachal Pradesh, Nagaland aser Manipur nung alitsü, ta parnokisa ashi.

Naga nunger lanuri tangatetba nung timtem ajurur: MLA Achumbemo

Dimapur, Aenjeti/January 22 (TYO): MLA aser Naga People's Front indang secretary general Achumbemo Kikon-i Pochury lanurtem dang pei tera den sendaktepshitsü aser kin jenjang wazüka ayutsü ayongzüker aser tanü Naga nunger lanur temi timtem ajuruba ya tashi indang masü saka tangatetba indang lir ta ashi.

Brehostibarnü Wuzu Village nung Pochury Students' Union (PSU) indang 66 buba General Conference nung jembidang, sobaliba tajung samadakja yimya tasen mamshitsüla, ta Kikon-i

ashi.

Pai lanurtem dang akhi alemli nungi amshia aruba sübosolemtsü aser yimya densema sobaliba wazüka ayutsü aser dangar dang akumtsüboba, yimya tajung amshiba aser khuret abenba yimya tem amshitsü ajungshia liasü.


Kikon-i academics nung temulung agütsütsü aser gadgets nung tali metaloka malitsü ashi aser shisaluyim ya certificates kija nung ranglokba masü saka shisatsü, sempet aser professionalism renlokdaaktsür asütsüla ta ashi.

Election yimya indang jembidang, lanurtem dang khen asoshi tajangzüker anguba mebushtitsüla, saka terenlok tajung aser shidak alitsü aser lenir tetemtsü shimba nung vote shidak agütsütsü pai ayongzüker.

Paisa yimtsüng aser kin balala tsüngta jungshiteptsü nüngdakba, oshi-oben aser tilateri nung mangatetep malitsü ayongzüka liasü.

Naga nunger tarutsü tia melenshtitsüba nung lanur tem shilem indang jembishinüba nung shilem ka ama Kikon-i item o ya jembi liasü.

Saratov State Conservatory aser Nagaland Conservatory of Music na tenangzüktepba yanglu



Dimapur, Aenjeti/January 22 (Agencies): Music education aser sobaliba melentepa angazükteptsü asoshi inyakyim akangshitsü atema Saratov State Conservatory (Russia) aser Nagaland Conservatory of Music (India) na tsüing MoU nung sign sütepogo.

MoU kübok educational, methodical, artistic, aser scientific wadang nung tajangshiba aser expertise lemasteptsü asoshi nangzüktepba yuogo. Iba telongjem ajanga riju anapronglai arok tangazükba ajungkettsü, shisaluyim takarba

kümdaktsütsü aser faculty, bushisüngdangertem aser kaketshirtem yongtsü nung sensaksemtsü asoshi maongka agütsütsü meranger.

Longjemer inyaksü asoshi tongtibang tenangzüktepba nung shisaluyim dak sendakba nung longjemer inyaksü, pedagogical methodologies melenteptsüba, artistic project tem longjemer inyaksü, bushisüngdang nung tesendaktep, masterclasses, workshop aser kenten sentong, benjung aser scholarly sentong nung shilem agitsüba densema lir.

Iba telongjem ajanga

kaketshir aser faculty tem nem shisatsü lemsateptsü aser kati ka sendangteptsü asoshi maongka agütsütsü meranger.

Saratov State Conservatory ya Russia nung classical music education nung centre tajungtiba rongnung ka lir aser Nagaland Conservatory of Music ya India nung riju tajungtiba rongnung ka lir, koba music education aser sobaliba wazüka ayutsü atema bendanga agütsür inyaksangshia arudar.

Iba tenangzüktepba yangluba ajanga music, scholarship, aser artistic collaboration ajanga India aser Russia na sobaliba tesendaktep akangshitsü asoshi bendanga agütsür aliba sayur. Iba ajangsa linük ana tsüngda nüburtem aser rijutem tsüngda tesendaktep akangshiba sayur.

Saratov State Conservatory, Russia tenüing nung parnok indang Rector, Alexander G. Zanolin-i aser Nagaland Conservatory of Music, India tenüing nung mendenbuba Lipokmar Tzudir-i iba tenangzüktepba nung sign süa liasü.


Riju anapronglai iba telongjem ajanga lenmang tasen lapokja music aser sobaliba melenteptsü asoshi teyari agütsütsü temulung lema bilemba lemsatepogo.

TaFMA-i Nagaland nung IPRS IP hub amenoktsü

Kohima, Aenjeti/January 22 (TYO): Task Force for Music & Arts (TaFMA) aser Indian Performance Rights Society (IPRS) na longjemer Nagaland nung yakta IPRS IP Hub amenoktsü, aser iba ajanga music yanglurtem aser independent artists tem asoshi copyright awareness, royalty support, aser metadata management dak sendakba nung tangazükba agütsütsü.

IPRS IP Hub ya regional jenjang nung copyright knowledge, royalty mechanism, metadata management, aser industry support agüja India nung music yanglurtem ecosystem akangshitsü asoshi designe süa yangluba lir.

TaFMA-i ashiba agi, IP Hub ya kakat zülur, ken mejemer, publishers, aser independent



music yanglurtem atema mejeta amenokba support centre asütsü.

IP Hub ya music copyright, royalties, IPRS membership, work registration, metadata, aser documentation dak sendakba nung training shitak agir alirtem aser IPRS-i regional oshi balala nung ajaki angatettsüsa yangluba resource tem ajanga tangazükba

agütsütsü asoshi lir.

"Na tang ang music yanglu tenzüker asütsü akok mesüra küm aika music yanglur asütsü akok; sihiba südir süaka IP Hub ya music yanglurtem yaritsü asoshi lir," ta TaFMA-i ashi.

Support service balala agütsüba dak alia IP Hub yagi music yanglurtem sendakteptsü, kati ka nungi angazükteptsü aser longjemer renloka aotsü asoshi mentoring sessions, sensaksem aser shisatsü lemsatepba sentongtem amala ayongzüka agitsü.

Ajak dang tongtibangsa IP Hub ya music yanglurtem aser IPRS tsüngda apu latsür asütsü aser iba ajanga artist tem ola, tebilemtsü aser parnoki yangluba music tem angashidaktsütsü asoshi jenjang agitsü.

DoF&ES-i arem nung mi adokba indang metetdaktsü

Dimapur, Aenjeti/January 22 (TYO): Directorate of Fire & Emergency Services-i sangdong ka ajanga takong aser mopung aonba mapang shikaritem, arem nung yatatsüyartem aser samesa nisungtemi arem nung mi senoka rongdaktsüba ajangshia arudar. Iba amla mapang Fire and Emergency Services, Nagaland nungi mibenertem, yimtsüng volunteer tem aser District Administration o Police-i teyari agüja arem nung morok aoba ya

nisung aliba tesemtem tonga meyoktsü atema meranga inyaka arudar, ta ashi.

Kasa sangdong ajangsa, nisung aliba tesemtem dak alaka department-i arem nung mi adokba ajakbo achayang mesütettsü, ta shiogo. State sorkar, District Administration aser Forest Department nungeri arem nung morok yokba nokdangba aser iba ajanga tzi mopung, arem shirur aser süngtolidongtem dak kongshiba

indang metetdakja arudar.

Iba dak sendakba nung nüburtem aser Village Council tem dang iba amala inyakyim nokdangtsü atema jenjang tapet agitsü aser aibelenertem anema jenjang tapet agitsü metetdaktsüogo.

2025 küm state nung arem arongba ken o 188 liasü aser Kohima district kija nunga ken o 91 adokogo, koba süoki ia agitsüla, ta ketdangsürtemisa ashi.

RD atongtsü lia Dimapur drone mamshitsü tuyu

Dimapur, Aenjeti/January 22 (Agencies): January 26 nü Republic Day amungtsü lia Commissioner of Police, Dimapur-i, security inyakyim akangshitsü asoshi Dimapur Police Commissionerate yongtsü nung drone aser Remotely Piloted Aircraft (RPA) tem mamshitsü tenokdangba agütsüogo.

Commissioner of Police, Aotula T. Imchen, IPS-i agütsüba tetuyuba nung ashiba agi, Drone Rules, 2021 kübok Rule 24 dak ajemdaker teshimtet tesem kar aser iba tesem telongtet kilometer ana

tashi ya "Red Zones" (No-Fly Zones) ta sangdongogo. Tenokdangba ya January 26 nü anepdang 2 ako nungi nikongtsütsü 6 ako tashi benoktsü.

Red Zones ama sangdongba tesemtem rongnung Dimapur DDSC Stadium, Chumoukedima Samaguting Stadium, aser Niuland Public Ground nung densema lir. Atakzükja aliba mapang nisung shingaia tapet ketdangsürtem dang nungi temelaba memeshi-i drone mesüra RPA amshitsü memelatsü, ta kasa sangdong ajanga metetdaktsüogo.

GPS Shitilong nung smart classroom semzükogo



Smart Classroom semzükba sentong nung SDO(C) Mokokchung, Temsuchuba Jamir-i o jembiba noksa nung angur.

Dimapur, Aenjeti/January 22 (TYO): Government Primary School (GPS), Shitilong, Mokokchung nung January 21 smart classroom ka semzükogo. Iba project ya its "Empowering Education" Corporate Social Responsibility (CSR) kübok kaketshirtem nem shisaluyim jenjang tajungtiba agütsütsü nükjidong nung District Administration Mokokchung aser State Bank of India (SBI) na longjemer inyakba lir.

Iba sentong nung SDO(C), Mokokchung Temsuchuba Jamir tongti tejaoker liasü aser pai iba facility tasenba ya semzka liasü. Sentong nung o jembiba mapang pai iba mapang tajung aser parnok inyakyim ajanga lokti ajungketba atema SBI dang kanga pelaba lemsatep. Tarutsü nunga longjemer inyaksü imlaba lemsatepba mapang pai district

administration aser bank na shisaluyim dak alia tanga wadang nunga longjemer inyaksü lenmang lapoka aliba indang lemastept.

Paisa, school nung tesayurtem dang iba smart classroom ya takokba tashi amshitsü aser kaketshirtem terenlok atema jenjang aketba shisatsü agütsütsü ajungshia liasü.

Sentong nung School Management Committee (SMC) mendenbuba Imodangba-i o jembiba mapang District Administration aser talisa Deputy Commissioner, Ajit Kumar Verma, IAS aser SBI dang kanga pelaba lemsatep.

SBI, Alongmen branch indang Branch Manager Imtitoshi Imson-i bank indang CSR inyakyim indang lemsatep, koba Education, Health, aser Sanitation sector dak sendaka lir. Paisa, kaketshir aser tesayurtem dang smart classroom tasenba ya takok tashi tajangzüke ka-a amshitsü ajungshia liasü.

Sentong ya Lipokkumla, PT lenisüba nung agi, MBC pastor Linukyanger-i aser Temsujungla Pongen, APCE, MBA nati tetenzük aser tatembang sarasadem agia liasü.

Sentong nung Ajay Moktan, IAS, Assistant Commissioner; Chubasanen (EAC HQ); DEO Mokokchung den kaketshirtem, tsürapurtem aser yimtsüng nung yimtsüyimputemi shilem agia liasü.

STATE BANK OF INDIA

NOTICE FOR OUR VALUABLE CUSTOMERS

We advise that United Forum of Bank Unions (UFBU) has served a notice of nationwide bank strike from the midnight of 26th January, 2026 to the midnight of 27th January, 2026.

While the management of the Bank is making all efforts to provide skeleton services at branches/offices during the strike period, customers may experience inconvenience in the event normal operations are affected.

Our valued customers are therefore requested to plan and complete their banking transactions well in advance of the strike date to avoid inconvenience. Customers are also advised to make use of ATMs for their cash requirements and prefer Internet Banking, YONO, UPI and other digital banking channels for their transactions.

The Bank sincerely regrets the inconvenience that may be caused to our customers due to the proposed strike.

**Sd/- State Level Bankers' Committee
State Bank of India, Local Head Office**



January 22, 2026 nü London nung British Hindu nungertem aser UK nung aliba Bangladesh nungertemi Bangladesh nung Hindu nungertem anema inyakba anema longkak aitba noksa nung angur.

FORM NO. 14
[See Regulation 33 (2)]

OFFICE OF THE RECOVERY OFFICER - /III
DEBTS RECOVERY TRIBUNAL GUWAHATI
Suwarna Bhawan, House No. 12, New Town Path,
Near Hanuman Mandir, G.S. Road, Ulubari, Guwahati-781007 (Assam)

DEMAND NOTICE
(RECOVERY OF DEBTS & BANKRUPTCY ACT, 1993 KÜBOK SECTIONS 25
NUNGI 28 TASHI ASER INCOME TAX ACT, 1961 SECOND SCHEDULE KÜBOK
RULE 2 NUNG AJEMDAKER NOTICE AGÜTSÜR)

RC/411/2024
BANK OF MAHARASHTRA
Versus
VIKAI AYE

To,
(CD 1) Vikai Aye, House No. 181,Chekiye Village, Dimapur, Nagaland- 797112.
OA/214/2023 nung DEBTS RECOVERY TRIBUNAL GUWAHATI Presiding Officer-
i tuyuba nung ajemdaker Recovery Certificate nung aliba ama na anema (Jointly
and severally/Fully/Limited) sentsüh Rs. 24,12,360.00 (Rupees Twenty Four
Lakhs Twelve Thousands Three Hundred Sixty Only) den pendentellite aser
sentsüh mouma tashi future interest @ 11.70% Compound Interest Monthly
w.e.f. 25.01.2025 to 31.08.2025 aser costs Rs. 27005 (Rupees Twenty Seven
Thousands Five Only) lir.

1. Recovery Certificate nung aliba sentsüh:

Rs. 24,12,360.00

2. 25.01.2023 nungi 31.08.2025 tashi interest @ 11.70%

Rs. 9,99,655.42

3. Costs

Rs. 27,005.00

Rs. 30,47,950.02

Recovery (-)

Rs. 14,750.00

Rs. 34,24,270.42

2. Osangkaket nung iba sangdong agütsüba sülen anogo 15 tsüngda tekalen
shia aliba sentsüh agüjang ta nü dang tuyur, mesüra Recovery of Debts Due to
Banks and Financial Institutions Act, 1993 aser Rules nung ajemdaker sentsüh
alangzüütsü atema inyaksangshitsü.
3. Taruba ken o angadangtsba anogo matongdangsa affidavit ka nung nü kiojen
sangdongang ta nü dang tuyur.
4. Maneni ken o angadangtsü atema 05.02.2026 anogo nung anepdang 10:30
ako nung tsünglanglen sign süa alir matsüngdangi arung ta tuyur.
5. Tekalen shia aliba sen dak alia nai item ya-a agütsütsüsa akümtsü: (a) Certificate
notice agütsüba/ execution proceedings mapang nungi tenzüka sen tetemlok.
(b) Iba notice aser warrant agütsüba den külemi sentsüh alangzüütsü atema
inyaksangshidang indokba costs, charges aser expenses ajak agütsütsü.

Iba anogo: 20.11.2025 nung tsünglanglen kü meyongnem aser Tribunal seal
agütsür.

Sd/- Recovery Officer-II, Debts Recovery Tribunal Guwahati

FORM NO. 14
[See Regulation 33 (2)]

OFFICE OF THE RECOVERY OFFICER - /III
DEBTS RECOVERY TRIBUNAL GUWAHATI
Suwarna Bhawan, House No. 12, New Town Path,
Near Hanuman Mandir, G.S. Road, Ulubari, Guwahati-781007 (Assam)

DEMAND NOTICE
(RECOVERY OF DEBTS & BANKRUPTCY ACT, 1993 KÜBOK SECTIONS 25
NUNGI 28 TASHI ASER INCOME TAX ACT, 1961 SECOND SCHEDULE KÜBOK
RULE 2 NUNG AJEMDAKER NOTICE AGÜTSÜR)

RC/357/2024
BANK OF MAHARASHTRA
Versus
AZHA STEEL FABRICATION UNIT AND ANOTHER

To,
(CD 1) M/S Azha Steel Fabrication Unit Prop: Mr. Azha Metha 7th Mile H/N 54
Model VIII. Dimapur, Nagaland-797115
(Cd 2) Mr. Azha Metha So Kuony Mile H /N 54 Model VIII. Dimapur, Nagaland,
Dimapur-797115.
OA/213/2023 nung DEBTS RECOVERY TRIBUNAL GUWAHATI Presiding Officer-
i tuyuba nung ajemdaker Recovery Certificate nung aliba ama na anema (Jointly
and severally/Fully/Limited) sentsüh Rs. 26,25,400.00 (Rupees Twenty Six Lakhs
Twenty Five Thousand Only) den pendentellite aser sentsüh mouma tashi future
interest @ 11.70% Compound Interest Monthly w.e.f. 25.01.2023 to 31.05.2025
aser costs Rs. 29,005 (Rupees Twenty Nine Thousand Five Only) lir.

1. Recovery Certificate nung aliba sentsüh:

Rs. 26,25,400.00

2. 01.12.2022 nungi 18.03.2024 tashi interests @ 11.35%

Rs. 8,26,551.15

3. Costs

Rs. 29,005.00

Rs. 34,80,956.15

Recovery (-)

Rs. 00.00

Rs. 34,80,956.15

2. Osangkaket nung iba sangdong agütsüba sülen anogo 15 tsüngda tekalen
shia aliba sentsüh agüjang ta nü dang tuyur, mesüra Recovery of Debts Due to
Banks and Financial Institutions Act, 1993 aser Rules nung ajemdaker sentsüh
alangzüütsü atema inyaksangshitsü.
3. Taruba ken o angadangtsba anogo matongdangsa affidavit ka nung nü kiojen
sangdongang ta nü dang tuyur.
4. Maneni ken o angadangtsü atema 15.01.2026 anogo nung anepdang 10:30
ako nung tsünglanglen sign süa alir matsüngdangi arung ta tuyur.
5. Tekalen shia aliba sen dak alia nai item ya-a agütsütsüsa akümtsü: (a) Certificate
notice agütsüba/ execution proceedings mapang nungi tenzüka sen tetemlok.
(b) Iba notice aser warrant agütsüba den külemi sentsüh alangzüütsü atema
inyaksangshidang indokba costs, charges aser expenses ajak agütsütsü.

Iba anogo: 30.10.2025 nung tsünglanglen kü meyongnem aser Tribunal seal
agütsür.

Sd/- Recovery Officer-II, Debts Recovery Tribunal Guwahati

FORM NO. 14
[See Regulation 33 (2)]

OFFICE OF THE RECOVERY OFFICER - /III
DEBTS RECOVERY TRIBUNAL GUWAHATI
Suwarna Bhawan, House No. 12, New Town Path,
Near Hanuman Mandir, G.S. Road, Ulubari, Guwahati-781007 (Assam)

DEMAND NOTICE
(RECOVERY OF DEBTS & BANKRUPTCY ACT, 1993 KÜBOK SECTIONS 25
NUNGI 28 TASHI ASER INCOME TAX ACT, 1961 SECOND SCHEDULE KÜBOK
RULE 2 NUNG AJEMDAKER NOTICE AGÜTSÜR)

RC/338/2024
BANK OF MAHARASHTRA
Versus
EKELI YEPHTO

To,
(CD 1) Ekeli Yeptho, D/O Axeto Yeptho, H N- 43, Thilixu Village, Dimapur,
Nagaland, Pin 797112
OA/252/2023 nung DEBTS RECOVERY TRIBUNAL GUWAHATI Presiding Officer-
i tuyuba nung ajemdaker Recovery Certificate nung aliba ama na anema (Jointly
and severally/Fully/Limited) sentsüh Rs. 24,03,700/- (Rupees Twenty Four Lakhs
Three Thousand Seven Hundred Only) den pendentellite aser 25.01.2023
nungi sentsüh mouma tashi future interest @ 11.70% Compound Interest Monthly
aser costs Rs. 27,005 (Rupees Twenty Seven Thousands Five Only) lir.

1. Recovery Certificate nung aliba sentsüh:

Rs. 24,03,700.00

2. 25.01.2023 nungi 31.05.2025 tashi interests @ 11.70%

Rs. 7,56,753.60

3. Costs

Rs. 27,005.00

Rs. 31,87,458.60

Recovery (-)

Rs. 00.00

Rs. 31,87,458.60

2. Osangkaket nung iba sangdong agütsüba sülen anogo 15 tsüngda tekalen
shia aliba sentsüh agüjang ta nü dang tuyur, mesüra Recovery of Debts Due to
Banks and Financial Institutions Act, 1993 aser Rules nung ajemdaker sentsüh
alangzüütsü atema inyaksangshitsü.
3. Taruba ken o angadangtsba anogo matongdangsa affidavit ka nung nü kiojen
sangdongang ta nü dang tuyur.
4. Maneni ken o angadangtsü atema 02.02.2026 anogo nung anepdang 10:30
ako nung tsünglanglen sign süa alir matsüngdangi arung ta tuyur.
5. Tekalen shia aliba sen dak alia nai item ya-a agütsütsüsa akümtsü: (a) Certificate
notice agütsüba/ execution proceedings mapang nungi tenzüka sen tetemlok.
(b) Iba notice aser warrant agütsüba den külemi sentsüh alangzüütsü atema
inyaksangshidang indokba costs, charges aser expenses ajak agütsütsü.

Iba anogo: 13.11.2025 nung tsünglanglen kü meyongnem aser Tribunal seal
agütsür.

Sd/- Recovery Officer-II, Debts Recovery Tribunal Guwahati

FORM NO. 14
[See Regulation 33 (2)]

OFFICE OF THE RECOVERY OFFICER - /III
DEBTS RECOVERY TRIBUNAL GUWAHATI
Suwarna Bhawan, House No. 12, New Town Path,
Near Hanuman Mandir, G.S. Road, Ulubari, Guwahati-781007 (Assam)

DEMAND NOTICE
(RECOVERY OF DEBTS & BANKRUPTCY ACT, 1993 KÜBOK SECTIONS 25
NUNGI 28 TASHI ASER INCOME TAX ACT, 1961 SECOND SCHEDULE KÜBOK
RULE 2 NUNG AJEMDAKER NOTICE AGÜTSÜR)

RC/403/2024
BANK OF MAHARASHTRA
Versus
M/S NAGALAND MOTORS AND ANOTHER

To,
(CD 1) M/S Nagaland Motors Prop: Mr Abdul Ahad, H/N-45, Zeliangrong, Village-
Dhobinallah, Dimapur, Nagaland-797112
(CD 2) Mr Abdul Ahad Son of Baharuddin, H/N-45, Zeliangrong, Village-
Dhobinallah, Dimapur, Nagaland-797112
OA/219/2023 nung DEBTS RECOVERY TRIBUNAL GUWAHATI Presiding Officer-
i tuyuba nung ajemdaker Recovery Certificate nung aliba ama na anema (Jointly
and severally/Fully/Limited) sentsüh Rs. 20,28,175 (Rupees Twenty Lakhs
Twenty Eight Thousands One Hundred Seventy Five Only) den pendentellite
aser 25.01.2023 anogo nungi sentsüh mouma tashi future interest @ 11.70%
Compound Interest Monthly aser costs Rs. 23,005 (Rupees Twenty Three
Thousands Five Only) lir.

1. Recovery Certificate nung aliba sentsüh:

Rs. 20,28,175.00

2. 25.01.2023 nungi 31.08.2025 tashi interests @ 11.70%

Rs. 7,17,945.27

3. Costs

Rs. 23,005.00

Rs. 27,69,125.27

Recovery (-)

Rs. 00.00

Rs. 27,69,125.27

2. Osangkaket nung iba sangdong agütsüba sülen anogo 15 tsüngda tekalen
shia aliba sentsüh agüjang ta nü dang tuyur, mesüra Recovery of Debts Due to
Banks and Financial Institutions Act, 1993 aser Rules nung ajemdaker sentsüh
alangzüütsü atema inyaksangshitsü.
3. Taruba ken o angadangtsba anogo matongdangsa affidavit ka nung nü kiojen
sangdongang ta nü dang tuyur.
4. Maneni ken o angadangtsü atema 10.02.2026 anogo nung anepdang 10:30
ako nung tsünglanglen sign süa alir matsüngdangi arung ta tuyur.
5. Tekalen shia aliba sen dak alia nai item ya-a agütsütsüsa akümtsü: (a) Certificate
notice agütsüba/ execution proceedings mapang nungi tenzüka sen tetemlok.
(b) Iba notice aser warrant agütsüba den külemi sentsüh alangzüütsü atema
inyaksangshidang indokba costs, charges aser expenses ajak agütsütsü.

Iba anogo: 25.11.2025 nung tsünglanglen kü meyongnem aser Tribunal seal
agütsür.

Sd/- Recovery Officer-II, Debts Recovery Tribunal Guwahati

Andhra Pradesh nung tanurtem atema social media nokdangtsü

New Delhi, Aenjeti/ January 22 (Agencies): Andhra Pradesh state sorkari arrshi küm 16 ser tekübok tanurtem atema social media nokdangtsü tebilemba lir.

Australia nung arrshi küm 16 ser tekübok tanurtem anema social media tenokdangba benoka alibaji state sorkari minister in charge of technology & human resources, Nara Lokesh-i metetdaksü.

Davos nung World Economic Forum aliba mapang osangbenertem den jembidang minister- Lokesh-i, "State ka ama onoki Australia nung arrshi küm 16 ser tekübokpurtem atema tenokdangba benoka alibaji onoki asadangdar.

Atangji asenoki ozüng tesashi ka benoktsü nüngdak, ta nibo bilemer," ta metetdaksü.

Lokesh-i, tanurtem nem social media mamshidaktsütsüla, kechiyong parnoki social media nung angubatemji parnoki mangateter, ta ashi.

India nung tanurtem atema 'parental controls' lir, ajisüaka tang tashi nungbo Centre sorkari iba dak sendakba nung ozüng tesashi benoka mali.

Online nung tanurtem atema tashishitsü aketba noksa/video anema court nung temepishiba ken otem

benoka lir, ajisüaka state temi item ama ozüng benokba tsütsü legal aser technology nung tetsükdaktsü adoktsüa akok.

"Internet ya tongtired ka ajanga inyaker ajisüaka IP detection paidoktsü atema lenmang lir. Tanurtem atema meshimeshia nokdangtsüji tamakoktsü asütsüa akok," ta cybersecurity tsütsü mongin lawyer, Karnika Seth-i metetdaksü.

Ano tanga onlen ka nung minister Lokesh-i, "2047 küm tashi nungbo onoki rongsenkettzüng \$2.4 trillion asütsü nükjidong yua lir. State ka ama onoki temelung ulua mejembir saka onoki ibaji ataloktsü atema inyaker," ta metetdaksü.

2025 küm December ita nungi Australia nungbo arrshi küm 16 ser tekübok tanurtem nem Tiktok, X, Facebook, Instagram, YouTube, Snapchat aser Threads mamshidaktsür. Iba ozüng kübok parnok nem social media accounts melapokdaktsür aser tamalen lapoka alirtem-a 'deactivate' südaktsür.

Tanurtem atema social media nokdangba mezüngbuba linükjiAustralia lir. Linük aikati Australia nung tenokdangba ya mapa küma inyakteter asü meinyakteter ar asadangdar.

J&K kübok Doda district nung gari lendong nung sepai 10 asü

New Delhi, Aenjeti/ January 22 (Agencies): Brihostibarnü Jammu & Kashmir kübok Doda District nung Army gari ka lendong nung sepai 10 asü

aser 11 yiruogo, ta k e t d a n g s e r t e m i metetdaksü.

Doda district kübok B h a d e r w a h - C h a m b a interstate lenmang nung bulletproof Army gariji tenemlen aliba post kati aoba mapang nung lungreni süklep 200 lua tsükok.

Army aser police iba tesem jagi oa kümzükbba maparen inyakdang tasü mang pezü angu aser yirua alirtem hospital-i anir ao, ajisüaka tesülen ano sepai trok asü, ta ketdangsertemi metetdaksü.

Tang sepai ka Bhaderwah sub-district hospital nung mongdar aser

sepai 10 tayimtsü ajanga Udampur command hospital-i anir ao.

Osangbener den jembidang Additional Deputy Commissioner, Bhaderwah, Sumit Kumar Bhutyal-i, "Army gari tsükokba lendong nung sepai 10 asü aser 11 yiruogo," ta metetdaksü.

Iba osang angashia J&K Lt Governor Manoj Sinha aser Chief Minister Omar Abdullah nati mangyim jashi lemsatepogo.

LG Sinha-i X ajanga, "Doda nung atalokba lendong nung tasütait sepai 10 asüba osang angashia jashir. Tasütait sepaitemi taküm tenla agütsübaji teti bilemtettsü. Takoksa angur kibongtem den tejashi lemsateper," ta metetdaksü.

Paisa, yirua alirtem tekeraba nung aneptsü atema sarasademsür, ta lemsatep.



TIR YIMYIM YIMOBILEM (EDITRIAL)

DIMAPUR FRIDAY, JANUARY (AENJETI) 23, 2026

Asenok yabo tajidaktsüka !

Yaritepa aliba lima asünungji, asenoka maparen aisé nung tangar bendanger limatem den yatiteptsüsa adoker, ibaji asenok asoshibo asenoki yarinüba agi masü saka asenok tangar nungi teyari nüngdakba agi yatiteptsüsa akümba mapa ka lir. Atangji, tangar dang nungibo asenok teyari agitsüsa nüngdak aika lir saka asenokiang tangar yaritetsüsa asenok dak tashi mali. Ajisüaka, akok tashi asenokia asen akokba nung tangar yaritsü aser tangar nema yaridaktsütsü ta teyari lenmangji külen dang masü saka anatsülen lapoka ayur. Iba ama inyakba nungji shilem agirtem ajak asoshi akhüm aser nümadangtsü keta lir. Ajisüaka, asenok asoshibo tajidaktsükaji, asenoki tangar dang apua yur magütsüteter aser yariteptsü nangzüktepa yur meinyakteter. Ibaji asenok rongsen nung sensakba agi masü saka ochi nung sensakba ajanga lir, anungji tangari asenok dak temulung melemettsüsa aiben asenoki inyaker. Aji oda, center government-i asenok ajungtsü aser ajangzütsü asoshi yokba senotsü nunga asenoki ochishia meinyakteter, anungji senbo agima saka mapabo merenem ta asüba limaji asen lima lir. Iba ama tuluba nungi tilaba tashi dak tangari temulung melemettsüsa asenok aliba agi, tang ama state government ajanga tangar bendanger limatem den yaritepa aotsü asoshi teinyaktsü mapatem aser tangatettep ken o renemdang kanga ajidaka bilemer. Aji oda, asen lima nung tangar bendanger kin Japan, Germany , Australia aser Canada ama nungi teyari yoka terenlok mapa tapu balala inyakba indang angashir aser ano tanga Japan o Nagaland na tangatettep ken o tajung yanglua yur, Nagaland nungi lanurtem Japan-i mapa inyaki yoktsü renemba osang asenoki angashir. Atangji, Japan ama tashitemetet, takar aser mapa inyakba lima den asenok tesendaktep tajung yanglua parrnok nungi teyari agitsübaji asenok asoshi maongka aser temoatsü tulu lir. Ajisüaka, tangar nungi teyari agibaji ajak angati masü, parnoki asenok dak temulung lemtettsüsa asenoki inyaktsüba shilemji shitak inyaktsüla. Aji oda, parnoki yaria asenok dang parnok oshi aser mapa inyak sayutsü aser parnok limai anir orr asenok nem mapa agütsütsü. Iba denji ano asen lima nunga parnok sen aser temetetba amshia aluyimba aser terenlok mapatem inyaktsüa akok. Itemji asenok atema parnok nungi anguba teyaritem asütsü. Ajisüaka, item teyaritemji asenok kija agir ayutsüba masü saka parnoki asenok yarıba nungi parnoka ajangzütsüla. Aji oda, külem tajangzüük angutsü asoshi asen lima nung asenoki parnok sen amshia mapa shitak inyaka orra, ibaji asenok ajak asoshi tajangzüük aser nümadangtsü mapa ka asütsü. Ajisüaka, parnok nungi senbo agizük saka alubo mayim aser mapaa meinyak ta süra alima tsüngdang asenoki Naga nunger rangben ayoker asütsü. Kasaji, sen aatsü atema Japani mapa inyaki ao saka oagiji mapang mamshiteter, tebelem maremer aser mapaa meinyakner ta kümadokra, Nagaland o Japan na tsüngda yariteptsü renemba tangatettep o amajok kümdaktsür asütsü. Atangji, Nagaland nung ya mapa mali masü lir saka Nagaland nung akaba school-tem nung Nagaland nung akaba mapa ya inyaktsü mesayu, anungji Nagaland nung akaba mapatem ya Naga nunger lanurtem asoshi masü saka tangalen nungi arur tsümar lanurtem asoshi toktsüba mapatem amato kümdaktsü. Ibayongji, tangarbo Nagaland-i mapa bushir arur aser asenokbo Nagaland nung mapa maka kazüteper. Atangji, asenok Japan nung oa kechi inyaktsü ? Asenoki parnoki inyakba technical mapatem meinyaktettsü saka asenoki inyaktsü mapatemji parnok kidang kilir kümer, kari tanur repringtsütsü, kari soruchioktsütsü, kari ki merütsütsü, kari tantsür tamburtem anepalutsütsü, kari alu mapa inyaktsütsü aser karbo mozü kidang inyaktsü. Atangji, item mapatemjibo asen lima nunga inyaker meinyakma lir, saka asenoki itemji asen lima nungbo meinyakner aser ita sen-a tilaka dang angutsü, iba jagi kasa mapa asüyonga bendanglen dang inyaker südi. Aji junger. Iba tangatetba nung asenok lanurtem bendanglen oagi tangari asenok dak temlung alemtsüsa aser asen mapa nung temulung achitsüsa litetra, tarutsü asen lima asoshi tagitsüji aji ka asütsü.

OLEMSABANG

OSHI KAJI KIN KA SHISANGREN TANGBO MASÜ

- Limawati Longchar, Kohima

Oshi kaji angatettepa jembishinütsü hadir mesüra nübur ka jangjaba shisangren tangbo masü (nor merely a communication tool and an identifying marker of a people or community). Oshi kaji iba dang nungi kanga tali aser temaba lir. Oshiji kin ka asoshi tongtipangtem (values), sobaliba aser tamangba ajak tanüandangtsü ama lir. Kechi oshi jembir iba jagi nisung ka pa sasa pa koma angateter, tangar den koma sendaktepa alir aser pai alima ajungaji koma repranger, ajakji azüoker (impacts self perception, relationship and worldview).

Oshioben puin nung mongin (accomplished linguists) aser loktiliba puin bushirtemi (social scientists) bushitetba agi-asenoki kechi oshi jembir iba jagi asen tebilemba/tangatetba atsür aor (our thinking and perceptions are influenced by what we speak). Tatishitsü nungtuku kaji, Australia nung Pormpuraaw kin yagi English mesüra Ao nung ama tajichilen, tabelen, azüklen, tsünglanglen (right, left, below, above) ta mejembir saka anüdoklen, anüolen, anüolentip ta tang jembir. Anungji par kin nüburi anüdoklenji kolen, anüolentipji kolen ta teti nunga oda (subconsciously) metetjema alir ta shisapuin bushirtemi ngutet. Aser item nisung ka dang na koleni aor ta asüngdang nung parnoki "anüoleni aor" mesüra "anüdoklentip leni aor" ta langzür. Tanur küm pezü pungu ka danga tesem tasen ki telung nung alidang anüolentipji kolen ta asüngdang nung, kecha tarendak makai ilenji ta tuyur. Saka Stanford University nung shisapuin mongintem takdang ka nung mentepa alirtem dang yamaji asüngdang nung tiembai meshitet aser teshitetertem jagia talangka bilemdanga shisadangerang shitet ta ashir.

Eskimo nunger taküm ajungaji rürjep aser rürlong nungji sendaka lir (snow and ice) aser aji parnok asoshi kanga tongtipang. Anungji par oshi nung rürjep balala atema ojang lir (40) shi lir. Rürjep tasen atema ojang balaka, rürjep tejen tenüng balaka, tanük tenüng ka, takang tenüng balaka aser ano yamaji aika. Ibaji mesüka asenoki kor ta ajaba ya cowboytem shirnok mapa ajunga amai kor nung sanger inyaker parnok atemabo kor sa süaka parnoki Mustang, Bay, Gelding, Cutting horse, Pinto, Grulla, Stallion, Appaloosa, Arabian aser ano aika tenüng balala ajar. China nunger sobaliba nung Kibongji teyongtsü aser kanga tongtipang anungji par oshi nung kibong ta asüba ya ojang balala ter (10) tema lir ta ashir. Yamaji nübur/kin ka asoshi kechi tongtipang par oshi nung iba tenüngji/ojang aika alir ta temetetertemi ashir.

English jembirtemi teti pronoun- ni, na, kü, ner (I, you, my, your) ta pei indang kanga jangjaa (stressed) jembir, tat. agi- I went to the park, I ate at the restaurant, I slept, I visited my village, that is your house, ta ajak nung kija indang shisang shisanga jembir. Yamaji jembirtemi memeteti (subconsciously) mapa aser tensa ajak nung pei jurila indangji kanga aroka bilemer aser lokti tentet mesüra par nübur tentet kangabo mejangrar aser memeimer ta loktiliba puin bushirtemi ashir. Saka Japan nunger shirnoki Aor ama ni, kü ta masü arok/külem nung nendaka (stress) jembir mesüra pronoun meinoki jembir (statements with pronoun drop) tat. agi- cinema reprangi ao, taonungbo restaurant nung chiongtsü, ozü yimtak (kü yimtak ta masü) naring kanga ajunger, ta jembir. Shirnoki pronoun ajak nungbo meinoker mesüra ozü, onok ta tiemba jembir parnoki lokti aser lokti tentet tali meimer ta parnoki ashir. Tetezü Japan, China oshi aser Ao jembirtemi English jembir dang nungi lokti aser lokti tentet temeimba.

(Maneni asüng adok nung...)

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

China kübok Wenzhou nung Yayang Tenla ki bendoktsüogo



China kübok Wenzhou yimti nung aliba Yayang Church Tenla ki noksa nung angur.

January 22, 2026: Tawa China nung sorkar ketdangsertemi Protestant church ka nungi züngsemtem aika puogo, aser Wenzhou nung aliba Yayang Tenla ki bendoktsüogo, ta Khristan lenirtemi metetdaksü.

January ita tetenzüklen Chengdu nung police-i Khristanem ki aser Arogo office mita aoba mapang nung züngsem 9 apu, ajisüaka tesülen nisung pongubo chiokogo, ta Early Rain Covenant Church-i metetdaksü.

Ano mile 1,000 dak tali pilar aliba Wenzhou yimti nunga ketdangsertemi Yayang Church Tenla ki bendoktsü tenzükogo, aser iba video ji Khristan melungtet telok ChinaAid-i lemsatep.

China nung Communist Party-i parnok tangatetba sülen manidakba Arogotem anema inyaker, ta ChinaAid-i metetdaksü.

China nung ketdangsertemi Tsüngrem dak mamangtsü ajungshir aser yimsü ajak azüoktsü meranger. 2018 küm China nung Khristan nütsüng million 44 liasü, ta sorkari metetdaksü, ajisüaka iba nungji underground churches nung züngsemtem züngok asü mezüngokar mejangja.

Osangbener den jembidang China nung Arogo lenir anati, ketdangsertemi underground Arogotem nungi lenirtem apur. Mezüngbo parnok nem tekümdangtsü metetdaksür aser senchi achir, ajisüaka maneni tashi mangara apur, ta metetdaksü.

Hopta ishika tejaklen Early Rain Covenant Church nung lenir, Li Yingqiang-i, "Iba ama yipru ya joko tamangertem majurutsü, ta ni amanger. Ajisüaka Kibubai shimba lenir ka ama ni nenok dak yipru atema renema alitsü tekümdangtsü metetdaksür," ta metetdakja liasü.

Tawa apuba Khristanem rongnung Li aser pa kinüngtsü, Zhang Xinyue na densema lir. Early Rain Covenant Church-i sangdong ka ajanga züngsemtem dang ketdangsertemi apuba züngsemtem atema sarasademjang aser parnok tamang jenjang manokshitsü atema sarasademjang, ta metetdaksü.

Wenzhou nung sorkar ketdangsertemi bulldozers, cranes aser gol tulu amshia Yayang Arogo Tenla ki bendoktsüogo. Iba Tenla ki bendoktsüba mapang nung sepaitem aser police noklang aika nem nükdakja liasü.

Wenzhou yimti dang ya "Jerusalem of China" taka ajar, kechiyong China kübok nütsüng teimba aliba yimtiji Wenzhou lir. Yayang Church anasa alir Khristanem meindokogo aser Tenla ki bendoktsüba noksa metangoktsü mesüra video magitsü tetuyuba agüja liasü, ta ChinaAid-i metetdaksü.

"China nung tongti independent church network ana anema inyakba ya ajanga sorkari Arogo meshimeshia samatsütsü nükjidong yur inyakba sayur," ta ChinaAid-i metetdaksü.

Yaküm December ita nunga ketdangsertemi anogo pongu tsüngda Yayang Church nung züngsem 100 dak tali pua liasü aser tang tashi parnok 24 bo tepuokdak lir, ta Human Rights Watch-i metetdaksü.

Yaküm October ita nunga China nung underground Arogo tulutibatem rongnung ka Zion Church nung lenir 30 dak tali pua liasü aser iba Arogo tentetsang Ezra Jin bo tang tashi tepuokdak lir.

China sorkarisa 2008 küm tenzükba Early Rain Covenant Church anema inyaker. 2018 küm ketdangsertemi iba Arogo

mita ao aser iba Arogo tentetsang pastor Wang Yi aser pa kinüngtsü Jiang Rong na apu. Iba sülen Arogo nung züngsem 100 dak tali apu.

Pastor Wang-i sorkar anema inyaker aser ozüng alema business inyaker, ta pa nem tai tonglokja tepuokdak ayu. Pa 2027 küm nung ang chioktsü.

Iba Arogo nung lenirtem puaka tang tashi züngsemtemi online ajanga tekülem sentong agir aser tamalen Wang-i sayutsüngiba onüktem online ajanga sayar.

Middle East nung Khristan nütsüng arener saka anepalurtem mali

January 22, 2026: Middle East tesem balala nung inyaker Khristan lenirtemi, middle east nung nisung meyrjang aikati Khrista agizüker, ajisüaka tang tamanger tasenpurtem nütsüngsütsü aser anepalutsü atema nübo peria mali, ta metetdaksü.

Church Mission Society (CMS) den jembidang Middle East nung Khristan lenirtemi, iba region nung rara ajanga nisung jenti jenshiba, yimtenren tashi maitba aser alima tensa tamajungba akümba mapang nung nisung meyrjang aikati tanela jenjang bushir, ta ashi.

Middle East nung talisa rara ajanga tesem balala nung jenshia alirtemi Khristan yimsü indang metettsü jangrar aser aikati Khrista agizüker, ta parnoki metetdaksü.

Ajisüaka tang tasenpur tamangertem nütsüngsütsü aser tanela chiyungtsü agi mesütsü atema nübo peria mali, ta parnoki metetdaksü.

Khristan lenir kati, tang tensa ajanga aikati Khrista metettsü jangrar, alima tensa tamajungba akümba mapang nung Tsüngremi mapa inyakdar, ta metetdaksü.

Covid-19 pandemic wara mapang nungi tenzuka aikati Khrista metetner, ta pai ashi.

Syria nung rara ajanga

jenshir tetsür kati, "Ni ozü ki makai akümba ajanga ni Yisu Khrista ajuru," ta ashi. La amaji tesem balala nung jenshia alir aikati Khrista agizükdar.

Middle East nung nisung meyrjang aikati Khrista agizüker, ajisüaka parnok nem pastoral care agütsütsü aser tanela nung indaktsütsü atema nübo peria mali.

Ano linük kar nungbo Muslim yimsü toktsür Khristan yimsü agizükertemi sadoksadoka Tenla kidangi mouteter, ibayongji parnoki house churches nung adener aser online ajanga Bible studies agir, ta Khristan lenirtemisa metetdaksü.

"Parnoki temeim nüngdaker, agizükdaksüner aser kümzüka liner. Parnoki Tsüngrem taliba jangjatsü atema teyari nüngdaker. Iba region nung aliba Arogotem aika iba atemaji renema mali," ta Khristan lenirtemi metetdaksü.

Chief executive aser taoba mapang CMS Mission Director, Andy Roberts-i, "Middle East nung tamanger tasenpurtem anepalutsü atema nübo peria mali. Tang ama tongtimbang mapang ka nung asenoki rongdak süa meinyakra yangji (Middle East) tamangertem mejungi kongshitsü," ta metetdaksü.

CMS-i, Khristan nütsüng kanga ajema aliba tesemtem nung tamangertem anepalutsü atema lisopurtem nem training agütsür, lenirtem aniteter, digital outreach tuluba akümer aser Arogo tila tentettsür, ta metetdaksü.

"Middle East nung tamanger tasenpurtem anitettsü atema Khristan organisation ajaki longjemer inyaktsüsa kümogo. Alu jenti menzüka lir anungji asenoki lenmang tasen bushiteta inyaktsüla. Tanü Esther, Yoseph aser Daniel nunger aika nüngdaker," ta lenir kati ashi.

"Iba ya Arogotem aser organizations atema maongka tajung ka lir. Alima nung tang alu tuluba menzüka lir, anungji UK nung Arogotemi longjener inyaktsüla," ta lenir kati ashi.

"Tenüng maliba mesüra maitsü maliba nungi asentenshi milak jangrutsü. Telok tilatemji junger, ajisüaka parnok sendakteptsütsü nüngdadak," ta lenir kati ashi.

"Khrista osang tajung prokba aser tekümtetji tongtimbang, ajisüaka Khrista nung aintsüji tongtimbangtiba. Asenoki atemba metsühjangji asenoki anepalutsü nüngdak. Mesüra itemji tangari rakzükadoktsü," ta laisa metetdaksü.

ANOGO ABEN TSÜNGREM DEN

Temeshi o bendangba

"Tebusangtem, shinga nema nenok tanishitaktsü Mojing mapa samatsütsü aji Tsüngrem chir jungkai adokogo" 1 Yh. 3:7,8.

Temeshi o bendangba amendakdakji Tsüngrem o lir.

Nüburtemi Tsüngrem o sangdonger asü? Ken atener asu? Aji teperi ta bilemer asu? Tsüngrem o ji kimong aser teyongtsü, aji saka ibaji dangbo kuli masü. Satania Laishibaji amshir. Pai Yisu dena iba o amshia jembi. Mashhi Lokti kati tamang tesayuba renemtsü akok. Tsüngrem amshia Satan tesayuba enoksema yanglutsü akok. Pauli item asoshi tekümdangtsü agutsü, "Kechiaser ibala nisungtem pei sasa Khrista tenyar mesükba nung melenteta, tiyazü tenyartem, tekulak inyakertem lir. Aser ibai tesüngmangtsü mali, kechiyung Satani pei sasa tesangwa kotak tenyar ama melenteter. "

2 Kor 11: 13-15.

Tsüngremji kanga junga metet ama sayutsü akok, jembitsü akok, saka taküm jakla jagi mesayutetra pa/laji tiyazür lir. Tekolak kisüngi Tsüngrem angazükba nung ain mali. Tiyazü tajungba jembir, tajungba sayuteter pa/la mulung tamajung aliba nembangtsü meranga tema nung ajak dang tajung ta sayutsü meranger. Yohani ashir, "Tema ochi o bendangba agi bendangang" Yn. 7:24. "Tebusangtem shingai nenok tekülakokdaksü" 1 Yh. 3: 7,8.

AO OSHI ANGAZÜKDAK:**TANÜ ANGAZÜKTSÜBA OJANG****Toudak**

(adv.) lenmang nung aoba mapang, tejajadak (going, on the way)

* Onok lenmang nung toudak nung tzunglu aru.

Tuok

(v) taju agi atuba ajanga telungi yidaktsüba (inject)

* Arem nung jajadang kü tsüing nung ayi ka tuok.



Tir Yimyim

OLONG PAITEP # 7392

1		2		3		4	5			
				6						7
		8								
9				10		11				
			12					13		
						14				
16						17				

TIPLIN

1. Nisung jenti
4. Tsük rudenba
6. Temzüng tesashi
8. S_ _ _ i
9. Nisung rongnung telemasa
10. Anogoshi
12. Ajanga aor
13. Tsük rizüingdak
14. Tebang nungi adokba
16. Süngdong tatembangtiba
17. Meputep

- (5)

- (5)

- (5)

- (3)

- (3)

- (4)

- (4)

- (3)

- (3)

- (5)

- (5)

LANGTSÜNGLEN

1. Tenük telong
2. Committee dang ajar
3. Yagi ki okdoker
5. Yim lenmang
7. Temoatsü keter meyipa aruba
11. Kanga junga menemba
12. Kenyongi majinü
13. Rong kanga tulu

- (9)

- (5)

- (7)

- (5)

- (9)

- (7)

- (5)

- (5)

OLONG PAITEP # 7391 TELANGZÜBA**TIPLIN :**

1. Semtu, 3. Lepko, 5. Bilem, 8. Ulu,
10. Tsüingpang, 11. Tesangwa,
13. Aoksa, 15. Putir, 16. Yipru.

LANGTSÜNGLEN :

1. Sayu, 2. Teb, 4. Kimong,
6. Lungkak, 7. Milak, 9. Zünga,
10. Temopu, 12. Walu, 14. Ali.

NAI-A YA METETTER

India nunger asayar Abhishek Sharma ya T20 asaya nung run 5000 takaratiba yangluba asayar kümogo. Nagpur nung Bodhbarnü New Zealand team akokba asaya nung Sharma-i ball 35 nung run 84 yanglua iba alizüing tongteta liasü.

T20 cricket nung run 5000 takaratiba yangluba asayatem

Abhishek Sharma - 2898

Andre Russell - 2942

Tim David - 3127

Will Jacks - 3196

Glenn Maxwell - 3239.

Manipur nung Meitei nunger ka pur or khaset

Imphal, Aenjeti/January 22 (Agencies): Manipur nung Kuki nunger telungpurtem asütsü ta temulung melemi bilemertemi Bodhbarnü aonung Manipur kübok Churachandpur district nung arishi küm 31 tain Meitei nunger ka pur oa khaset, ta ketdangsürtemi Brehostibarnü metetdaksü.

Iba district ya Manipur nung tang kin o kin tsüingda mangatettep adokba teyongtsü lir.

Kakching district kübok Kakching Khunou Uchan Makhong Leikai nung alir Mayanglambam Rishikanta Singh ya pua bener or Bodhbarnü aonung 10:30 ako shi nung

Churachandpur district kübok Tuibong yimtsüing nung tepseta liasü.

Pa ya M. Tombi Singh'er jabaso aser pa Kuki-Zo tsür aser Tuibong (Tuibuang) yimtsüing nung alir Chingnu Haokip (30) den kibong kümer liasü. Tena ya 2025 küm December 19 nü nungi Churachandpur nung lia liasü.

Nisung tepsetba osang angazükba sülen Kakching district kübok Kakching Khunou nung nüburtemi lenmang nokdanga yuogo. Iba tesem ya Churachandpur den artsü nung lir. Tang tashi nung telungpur telok kati danga iba nisungba

tepsetba nangzüka mali.

Kasa mapang nung Meitei nungba ya ali nung temekok agi tsüketer teka mejemteper agiba video ya temai adokogo. Video den külemi "no peace, no popular government" ta caption agütsür liasü. Pa temepshiba ya prangbong ola agi tembangdakja liasü.

2023 küm May 3 nü nungi kin o kin tsüingda mangatettep tenzüka sülen tang tashi nung kin anaprongla nungi nisung 261 taküm samaogo. Sorkari temzüing ozüing shitak benoka inyaktsü atema security force tem yoker liaka lendongtem ataloka odar.

Assamnunge-KYCajanga votertenüing entoktsü meranger: Congress

Guwahati, Aenjeti/January 22 (Agencies): Assam nung tang

benoka inyaka aliba electoral rolls Special Revision (SR) dak sendakba nung Assam Cogress-i maneni Bharatiya Janata Party (BJP) aitsüogo aser ashiba agi, e-KYC inyakyim ajanga voter tem tenüing entoktsü meranger.

Ghoramara nung osangbenertem den senaksema mapang Assam Mahila Congress tir Mira Borthakur-i ashiba agi, Dispur Assembly constituency nung electronic Know Your Customer (e-KYC) verification dak atemer voter 6000 shi tenüing entoktsü atema rangloker inyakdar.

"Election Commission aser BJP nati of e-KYC verification dak atemer tenüingtem entoktsü meranger. Dispur constituency nung kanga dang sangra nisung 6000 shi tenüing entoktsü asoshi rangloker inyakdar," ta

Borthakur-i ashi.

Laisa, Hatigaon, Ghoramara, Sijubari aser Dakhingaon tesem nung fair-price shop achaayangertemi iba inyakyim nung teyari agütsütsü atema merenshir aser nongshidar. Shitakbabo parnok nem e-KYC asadangtsü asoshi kecha temelaba agüja mali.

"Mezüingbuba tenüingtem e-KYC ajanga entoktsü aser iba sülen kasa tenüing ya voter list nungi entoktsü," ta lai ashi.

BJP den teka amteper inyakba atema Election Commission aija Borthakur-i ashiba agi, iba ken o aiben ashishio saka kecha jenjang agia mali. "Election Commission ya BJP morcha ka ama inyaksangshidar. Tashishiba kwika benokaka parnoki iba party anema jenjang agitsü tasü meitteter," ta lai ashi.

Bihar den medemdanga lai

ashiba agi, kasa vote auyaba inyakyim ya tang Assam nunga benoka inyakdar. Laisa, yimya agi BJP pur vote ishika dang anguba constituency tem nung asa voter tem 8,000 nungi 10,000 tsüingda delete südar, ta lai ashi.

"Anungji ni Election Commission dang ya asüingdanger, nenok BJP atema inyaktsü asü Assam nunger tenüing nung inyaktsü," ta lai ashi.

Assam Assembly elections magi tsüingda vote auyaba ken o ya Opposition asoshi tongtibang onük ka kümogo. Congress puri iba ken o ya 2025 küm nungi ashishia arudar.

Special Revision dak sendakba nung tebilemstü akaba ya Rajior Dal aser All India United Democratic Front (AIUDF) nunger densema tanga opposition party temia ashishio.

Manipur nung telungpur telok 7-i RD nung shilem magitsü ayongzük

Imphal, Aenjeti/January 22 (Agencies): Manipur nung telungpur telok teneti January 25 nü 6 PM nungi January 26 nü 6 PM tashi state ajunga mokdanga ayutsü aser India indang Republic Day nung shilem magitsü ayongzükogo, aser nüburtem dang iba anogomung sentong nung shilem magitsü mepeshia metetdaksüogo.

Manipur nung tenokdanga agütsür aliba telungpur telok trok indang lokti tentet temaba Coordination Committee (CorCom)-i nüburtem dang pei ki metoktsütsü aser iba anogo

sentong balala ayongzükba nung shilem magitsü mepeshia metetdaksüogo.

CorCom Publicity Committee-i sangdong ka ajanga ashiba agi, India indang Republic Day ya Manipur (Kangleipak) atema "colonial reconsolidation day" ka lir.

Socialist Revolutionary Party (SOREPA), Kangleipak-ia state nung Republic Day mamungtsü ayongzükogo aser January 26 nü anepdang 5 ako nungi nikongtsütsü 5 ako tashi sate ajunga mokdanga ayutsü ayongzükogo.

SOREPA indang publicity

secretary, MC Yaiphabi-i ashiba agi, Western South East Asia (WESEA), Kashmir, Khalistan, aser Manipur nung longkak aitba sentong ajak parnoki pusemstü.

Fire stations, water department, media house, medical service aser tamangba yimsü dak sendakba sentongtem asoshi iba anogo kecha tenokdanga magütsütsü.

Item teloktem yagisa, nüjiso ngur aliba Manipur linük Indian Union nung adenba magizükba lemsatepogo. Temetetsü kaji Manipur ya chubai yimsü süa liasü saka 1949 küm India den loktepa state ka aküm.

**GOVERNMENT OF NAGALAND
DIRECTORATE OF EMPLOYMENT, SKILL DEVELOPMENT & ENTREPRENEURSHIP
NAGALAND, KOHIMA**

No. DESE 76/2019/ 127

Dated Kohima the

22nd January, 2026

REQUEST FOR PROPOSAL (RFP)**For Registration of Private Placement Agencies (PPAs) in Nagaland**

In pursuance of Notification No. EMP-2/96/2015/156 dated 31st May, 2025, the Department of Employment, Skill Development & Entrepreneurship, Government of Nagaland, hereby invites proposals from eligible Private Placement Agencies (PPAs) for registration to operate in the State of Nagaland for a license period of two (2) years.

Schedule of Key Activities

- * Last date for submission of queries: 10/02/2026
- * Last date for submission of proposals: 27/02/2026
- * Evaluation and issuance of license: Within 30 days from the last date of submission

Availability of RFP Document

The hard copy of the RFP document may be collected from the Office of the Directorate of Employment, Skill Development & Entrepreneurship, Kohima, during working hours.

Alternatively, a request may be sent by email with the subject:

"Request for RFP Document for Registration as a Private Placement Agency"

addressed to the Director, Employment, Skill Development & Entrepreneurship, Government of Nagaland at: employment_training_ngl@yahoo.com

The Department reserves the right to accept or reject any or all proposals without assigning any reason.

**(SAVIO VISA)
Director.**

GOVERNMENT OF NAGALAND

DIRECTORATE OF HEALTH & FAMILY WELFARE

NAGALAND : KOHIMA

NO.DHFW-21/FSSA/Workplan(MoU)/

Dated Kohima the Jan' 2026

ADVERTISEMENT

Candidates are invited for filling up the following posts under Work plan (MoU) 2025-26 of Nagaland Food Safety Project, Directorate of Health & Family Welfare, Nagaland, Kohima. The nature of duties of Food Safety Officer (FSO) are field works such as conducting Food Safety (FSSAI) Registration & Licensing camps, inspection, collection of surveillance sample for analysis, to assist FSSAI initiative such as conduct awareness, and training, timely reporting of activities carried out and the nature of duties of Food Technician is to carry out Surveillance, Awareness and Training. The post will be purely on contractual basis initially for a period of two (2) months. Interested indigenous candidates having requisite qualifications may submit self-attested photocopy of all the relevant documents in chronological order to Food Safety Section (Room No.301), DHFW on or before 30th Januay 2026. The required documents are as follow.

1. Academic documents from HSLC onward (Marksheet, Admit card & Pass Certificate).

2. ST and Indigenous Certificate, Birth Certificate, Computer Diploma Certificate, Employment Exchange Card, 2 (Two) numbers of recent passport photographs.

3. NOC from competent authority for Govt. employee.

Sl.No	Name of the post	No of Post	Posting Place	Educational Qualification	Consolidated pay per Month
1.	Food Safety Officer (FSO)	2 (Two)	Wokha & Longleng	Degree in Food Technology, Dairy Technology, Biotechnology, Oil Technology, Agriculture Science, Veterinary science, Bio-Chemistry, Microbiology, Chemistry or medicine from recognised university.	₹ 50,000/-
2	Food Technician (FSW)	1 (one)	Kohima	B.Sc in Chemistry/ Bachelor Degree in Bio Chemistry/ Microbiology/Food Technology/Food and Nutrition/ Biotechnology/ Dairy Technology/ Oil Technology/ Veterinary science from recognised university.	₹ 22,000/-

Note :

* No TA/DA is admissible for attending the interview.

* Mode of recruitment shall depend on the number of applicants.

* Age relaxation will be given as per Govt. norms.

(DR.MERENINLA SENLEM)

Principal Director & Addl.Food Safety Commissioner

Directorate of Health & Family Welfare

Nagaland : Kohima

GOVERNMENT OF NAGALAND

STATE COUNCIL OF EDUCATIONAL RESEARCH AND TRAINING

NAGALAND, KOHIMA.

NO.SCERT/TET/GC-3/2025

Dated Kohima, the 20th Jan. 2026.

NOTIFICATION

This is to inform all the concerned candidates who have appeared in the Nagaland-Teacher Eligibility Test - 2025 (N-TET), that the result for the examination (Paper-I and Paper-II) is uploaded in the SCERT website -https://scert.nagaland.gov.in. The candidates may visit the website for the result.

The candidates may collect the N-TET 2025 pass certificate from the office of the SCERT w.e.f. 27th January till 4th February 2026. Timing is 10:00 AM to 3:00 PM from SIEMAT building. The candidates need to bring their N-TET Admit Card for collecting the pass certificate.

KEVIRALEÜ KERHUO

Director

SCERT, Nagaland, Kohima

Russia, China nokdangtsü mechi US den Greenland indang jembibi: NATO Davos, Aenjeti/January 22

(Agencies): Arctic territory nung China aser Russia mitkar aser rongsenketzüנג tashi mamshidaktsütsü nükjidadong nung US den Greenland indang jembibi, ta NATO chief Mark Rutte-i ashi.

US Tir Donald Trump-i tashiyim amshia Greenland agitsü amokmerena aliba Bodhbarnü Davos, Switzerland nung NATO Secretary General Mark Rutte den jembiba sülen pa temulung süa iba asetkong atema tezüngzüktep ka asoshi "framework" ka yangluogo ta shia liasü.

Davos nung World Economic Forum alidang ano Brehostibarnü Ukraine nunger sentong ka nung jembidang, "Sensaksem kanga tajung liasü," ta Rutte-i ashi.

Taoba hopta Denmark aser Greenland indang foreign minister-i Washington nung US Vice President JD Vance aser Secretary of State Marco Rubio den jembishinü aka. Brehostibarnü Rutte-i Trump den ajurutepba nung ajemdaker ano jembishinü akatsü ta ashi.

Arctic nung Russia aser China nunger malitsüsa Arctic nung züngsem tenet densema NATO allies tem lungjemer koma inyakteter ta Trump den senden amenba mapang jembia liasü, ta pai ashi.

Ano onoki jembiba kaji, Greenland rongsenketzüנג mesüra mitkar tsütsü China aser Russia nunger teka mesangshitsü indang liasü.

European allies tem dang tariffs meshitsü aser

Denmark nungi Arctic asetkong ya agitsü atema tashi amshitsü ta Trump-i shia aliba nungi pila pai Greenland asoshi tezüngzüktep ka atema "framework" yangluogo ta Bodhbarnü ashi.

"Greenland aser Arctic Region ajunga dak sendakba nung tarutsü nung tezüngzüktep ka atema onoki framework ka yangluogo," ta Trump-i Truth Social nung lemsatep.

"Iba tangatettep nung ajemdaker, ni February 1 nungi tenzüka tariffs meshitsü aliba memeshitsü," ta paisa ashi.

Tariffs ya Denmark aser Britain, France aser Germany densema US tembar linük kar dang meshitsü liasü, aser item linük ajunga yagi Trump-i taoba mapang jembiba sülen Greenland-i sepaitem yoka lir.



ANM, SCHOOL OF NURSING, IMPUR CHRISTIAN HOSPITAL

IMPUR-798615, MOKOKCHUNG, NAGALAND

EMAIL: ichabam2015@gmail.com

Ref No. ICH/SON - 2/VTC/25 - 3

Dated: 22nd Jan 2026

ADVERTISEMENT

Applicants are invited for the unmarried girls for undergoing GENERAL DUTY ASSISTANT/BEDSIDE ASSISTANT course at Impur Christian Hospital, Impur, Mokokchung for the session 2026.

The following particulars are given for information of interested candidates.

1. Forms can be availed from the Office of the School of Nursing, Impur Christian Hospital, Impur Diagnostic Centre /Scan the QR Code .

2. Last date of Form submission will be 10th February 2026.

3. Qualification: 8th passed (Preferably 10th passed).

4. Age limit : 15 to 25 yrs .

5. Training fee will be Free.

6. Course Duration: 10 Months

7. All other details will be present on the form.

8. For details contact Miss Asong - 8119823713



Sd/-

Medical Superintendent

Impur Christian Hospital

ALI TAYOKTSÜ LIR

Old Showuba, four lane anasa (Kimong asem) Sq.ft. @200/- @160/- Kimong ajak nung jenjang terabo ajemtsü Kimong ka @7 lakhs.

Tongteprateptsü : 9863826159

Pakistan kitsük-kirong lendong nung asür nisung 60 jungogo

Karachi, Aenjeti/January 22 totuyuba agütsü.

(Agencies): Karachi nung Ki telung nung temang dokan ka rongdoker alidak shilem balala ngutetba nungi nisung 30 shi tasü mang ngutetba ketdangsür temi jangjatsü sülen iba kitsük-kirong lendong atema samples bendener ta ashi.

nung asür ajak agi nisung 60 Kibong 50 dak temai DNA jungogo, ta Pakistan ketdangsür samples agütsüogo, ta temi ashir. provincial health official Gul Plaza Shopping Centre nung Brehostibarnüa search Summaiya Syed-i osangbener and recovery operations maneni dang Bodhbarnü ashi.

liasü, aser yangji ketdangsür "DNA samples putepba temi Honibarnü kitsük-kirong sülen tasü mang ya kinunger lendong atalokba nung tang nem agütsütsü," ta lai Civil tashi nisung 80 dak tema samar Hospital Karachi mortuary kima aliba bushitsü inyaktar, ta ashi. nungi osangbener dang ashi.

Mezzanine-floor shop nungi Samar aliba kinunger temi nisung tasü mang 30 ngutet, ta storey asem atongtepa yanglua ta Karachi South Deputy aliba ki nung kitsük-kirong Inspector General Syed Asad lendong ataloker mapa kera Raza-i Dawn osangkaket dang meinyakba tenüng asener.

ashi. Tang tesüsa ngutetba Sindh sorkari iba lendong sülen iba lendong nung asür bushisü ngdangtsü asoshi ajak agi nisung 61 lir ta inquiry committee tentetba asadangteta lir aser DNA nung tekolakba Karachi Commissioner Syed Hassan analysis tembangba sülen Naqvi-i Bodhbarnü iba mall tejangjaba metettsü ta ashi. semdang aser kitsü ng-kirong nungi nisung tasü mang 30 lendong nungi kumzüka alitsü ngutet, ta Karachi South mera agiba ya international Deputy Commissioner Javed standards memenep ta ashi.

Nabi Khoso-i ashi. Tang tashi iba lendong Asürtem yagi parnok takum atalokba tera memeteti lir. kumzüksü mechi pei sasa Karachi nung mapang shia dokan telung nung shibanga iba ama kitsük-kirong lendong ayu, ta pai ashi. Honibarnü ataloka arur, aser aiben safety kitsük-kirong lendong atalokli standards majungba aser ozü ng mall nung nisung aika nungtepa alema ki o jen yangluba tenüng kar ajemsetba sülen asürtem ya asener.

store telung nung jenok ta 2023 küm November ita iba osang kar ajanga ashir. yimti nung shopping centre ka Sindh Chief Minister Murad nung mi adoka nisung 10 asü Ali Shah-i mangyim tejashi aser 22 yirua liasü. lemsatepogo aser nisung 2012 küm Karachi nung tasü mang ajunga mongutet aliba garments factory ka nung tashi janan indokba manentsü mi adoka nisung 260 asü.

Langpangkong nung Saisapong benjong ayongzüker



LKM Saisapong benjong amungtsü asoshi renemba sentong nung LKM lenirtem den Planning aser Technical Committee purtem Chuchuyimlang nung asayadak tesem nung külemi agiba noksa ka yangi angur . (January 20, 2026)

Chuchuyimlang, Jan. 22 (TYO) : Langpangkong Kaketshir Mungdangi Chuchuyimlang nung 34 buba Saisapong sentong taküm 2026 küm January 29 nungi 30 tashi alitsü ayongzüka lir.

Taoba mapangbo LKM saisapong sentong ya inti mungdang den külemi reptepa munga aru, saka tang nungi LKM inti mungdang aser Saisapong sentong ana ya mapang balala nung amungtsü asoshi latetba ajanga, LKM inti mungdangbo Mongsenyimti nung tan January ita 8 nungi 9 tashi mungogo aser tang Saisapong sentong asoshi renemba mapang lir. Iba Saisapong sentong dang ya tang nungi LKM Saisapong Benjong ta ajatsü lemteta lir

ta LKM lenirtemisa metetdaksü. Iba temelenshi ya, talisa, inti mungdang nung shisalemsatepba sentep sentongtem nung kaketshirtem medema adenshitsü asoshi latetba maparen ka lir ta LKM lenirtemisa ashi.

Iba temelenshiba nung, LKM lokti senden aser saisapong benjong sentong agitsü lemtetba sülen, tang ya mezüngbuba asünung, lemteta aliba ama jelia tesem balala nung asayatsüsa asaya metenzükter, anungji tangbo tetenzük nungi tatem tashi match ajak saisapong benjong amungdak Chuchuyimlang nung asayatsü renema lir. Iba asayamung nung teburtem football aser tebur o tetsür na

prongla volley ball asayatsü asoshi fixture adoka lir.

Taküm iba LKM Saisapong benjongmung ya Chuchuyimlang Village Council aser Chuchuyimlang Kaketshir Telungjem nati anir. Iba Saisapong Benjungmung sentong lenisütsü asoshi Planning cum Technical committee nung Wb. Imkongtemsu Jamir, Convenor aser Local Planning committee nung Wb. Rongsenlemba asütsü shimteta lir.

Iba Saisapong Benjungmung nung LKM nung sendaka aliba Yimtsüng Kaketshir Telungjemtemi anir senso tajung ajak arua shilem agitsü ayongzüker ta LKM tir Imlinok aser Saisapong zülur Imtinuklu Jamir nati metetdaksüogo.

NBCK-i ayongba Gold Cup 50-ball cricket asayamung tenzükogo



Kohima, Aenjeti/January 22 (TYO): Nepali Baptist Church (NBC), Kohima-i ayongzüka Gold Cup 50-Ball Cricket Asayamung (Six-a-side, Tennis Ball) Brehostibarnü Rüzühkhrie Government Higher Secondary School Ground, Kohima nung tenzükogo.

Taküm ajak senteper iba asayamung nung team 18-i shilem agidar. Asayamung ya Arogo balala nungi lanurtem tsüngda telongjem, sportsmanship ajungkettsü nükjidong nung ayongzüko. NBC Kohima July 31 nungi August 2 nü tashi Hon jubilee amungtsü aliba atema küm tepeyong sentong balala ayongzüka agia aruba nung shilem ka ama iba asayamung ayongzüko.

Asayamung ya Nagaland Baptist Church Council (NBCC), Youth Secretary Rev. N. Suhuto Chishi-i tenzükja liasü. Sentong nung alakteta

jaoker ama o jembiba mapang Rev. Chishi-i, taküm yimayimpong aser lanurtem yongtsü nung telongjem adokdaksütsü atema sports ministry koda tongtibang iba indang lemsatepa liasü.

Paisa, saisabong terenlok nung pa tajangshiba indang lemsatep, kong football D License atema training agiba densema liasü. Paisa, Arogotem dang saisabong ajanga lanurtem den sendakteptsü ajungshia liasü.

Saisabong aser taküm na medemdanga jembiba mapang Rev. Chishi-i ashiba agi, taküm ya over atakzükja aliba asaya mesüker kong tetenzük nungi tatembang tashi ya kanga tongtibang lir. Yohan 4:14 nungi tangazükba agütsüba mapang pai asayamung nung shilem agirtem dang asaya mapang cricket ball bo melenshitettsü, saka takümbo khen dang Tsüngrem sentong nung agütsür, ta ashi. Pai asayartem dang

süngjemshir asayatsü, tetsükdaksütem koktetyonga aotsü aser shisabulu khuret balala agi menepba mapang Tsüngrem bushitsü ajungshia liasü.

Maneni kija asaya dang nungi teamwork tajungba ta shia taküm nunga asayar ajak ya kanga tongtibang ta ashiba den Tsüngrem ya umpire den medemdanga jembiba shibai kotak nungi repranger, ta ashi. Paisa, lanurtem dang Tsüngrem tauchi kübok alitsü ajungshia liasü.

Asayamung lapokba sentong ya Sanjana Limbu lenisüba nung agi, NBCK Pastor Jack Thapa-i lai o zünger sarasadem, Hon jubilee Sports Committee Convener Narayan Bahadur-i lokti pela agizükba o jembiba aser Sarmistra Pandey-i ken tajung ka tena liasü.

Kasa mapang nung January 24 nü asayamung shibangba sentong nung Gorkha Public Panchayat Kohima tir Santu Thapa alakteta jaoker asütsü.

Bangladesh-i mepeshiba ICC-i magizük

Aenjeti/January 22, 2026 (Agencies): Taruba T20 World Cup nung Bangladesh team asaya India nung dang asayatsü atema International Cricket Council's (ICC)-i telemtetba agiba agi tezü adangba Pakistan-i lemsatepogo, saka source balalai ashiba agi Pakistan team iba asayamung nungi atsüngintsü atemabo tebilemba mali.

India nung security dak sendakba nung tebilemtsü lir ta shia Bangladesh team asaya Sri lanka-i belener aotsü mepeshiba ICC-i magizükba sülen iba ken o dak sendakba nung o langtepa arudar, saka asayamung mapanglemba memelenshi lir.

Telecom Asia Sport sangdong ka ajanga ashib agi, Bangladesh tamendakdak Pakistan-i pusemogo, ajisüaka PCB ketdangsürtemi ashiba agi, iba asayamung nung shilem magitsüsa kuli tapet mali.

"Pakistan-i Bangladesh kechiyong India-i mepeshiba dak ajemdaker parnok indang asayatem Pakistan nungi Dubai-i belener ao, saka Bangladesh-i kasa kuli agütsübabo magizük,

koba tezüdangtsüka lir," ta source yagi Telecom Asia Sport dang ashi.

Pakistan-i parnok pusemaka iba asayamung nung masayatsü atemabo parnoki masadang ta kasa source-isa shisem.

Ketdangsürtemi ashiba agi, Pakistan team asayatem neutral venue ka nung asayatsü lir, kong security dak sendakba nung kecha tebilemtsü mali. "Neutral venue ka nung asayar asünung iba asayamung nung shilem magitsü atema kecha kuli mali ta PCB ketdangsürtemi angateter," ta osang ajangsa metetdaksü.

Source-i ashiba agi, Pakistan-i iba asayamung nung masayatsü atema officially amokmeren masü. Iba osang ya social media nung poktetba lir, ta ashi.

Taoba Pakistan wicketkeeper-batter Kamran Akmal-ia ICC-i iba telmtetba agiba anema jembiogo. "ICC telemtetba timba ka ajanga parnoki India pusemba sayur. Iba amala ya mataloktsüla kechiyong ajak dang kasa dang beshitsü nüngdaker," ta Kamran-i ashi.

Sindhu-i otsü tasen yanglua la indang career nung asaya 500buba kokogo



Aenjeti/January 22, 2026 (Agencies): PV Sindhu-i badminton puti otsü nung otsü tasen ka yanglua la ya India tsürtem rongnungi kija asaya 500 akokba mezüngbuba asayar kümogo. Indonesia Masters Super 500 nung lai round of 16 nung asaya koka quarter-finals-i aiba sülen iba alizüng tongtetogo.

Round of 16 nung Denmark tsür Line Kjaersfeldt den asayaba mapang Sindhu-i kanga süngjema asaya-a 21-19, 21-18 agi asaya koka liasü. Lai Denmark tsür la ya trokben asayaba nung ponguben kokogo.

Sindhu ya iba alizüng tongtetba tetsür kija asayar trokbuba kümogo. Iba alizüng ya Ratchanok Intanon, Tai Tzu Ying, Akane Yamaguchi, Carolina Marin, aser Petya Nedelcheva nungeria tongteter lir.

Tetsür kija asaya nung Sindhu-i asaya 500buba kokogo aser lai ajak senteper la indang career nung asaya 516 koka lir, kong la asaya tenzükba mapang tarep asaya aser team asaya nung takok anguba densema lir. BWF Tour kija nunga lai asaya 456 kokogo aser asaya 227 mekoki lir.

Quarter-finals nung la China tsür top seed aser World No.4 Chen Yu Fei den asayatsü lir anungji asaya kanga melarabo masütsü.

Kasa asayamung tebur kija asaya nung Lakshya Sen, shiba iba asayamung nung seventh seed asayar lir, pai Hong Kong nung World No.42 asayar Jason Gunawan 21-10, 21-11 agi minute 33 nung dang kokogo.

Sen quarter-finals nung Panitchaphon Teeraratsakul den asayatsü. Thailand nung asayar yagi Lee Zii Jia koka quarter tongtetogo.

BILEMDANGANG

"Timla agi nisung ka maneni inyaktsü ajungmesor."